

սերմերկ մի զօրաբանակ. սրանց երկիւղից փախչում են լուսերը և միւս օրը մի ոչխար բերում և մորթում ի պատիւ Ս. աւետարանին: Այսօր այդ աւետարանը սրբացել է, որին Փէրիայի, Չարմահայի և Նոր—Ջուղայի հայերն ուխտի են գալիս, մոմ վառում, մատաղ կտրում, և հռչակն այնքան մեծ է, որ նոյնիսկ այդ աւետարանով երգւում են:*

Գիւղն ունի նաև երկյարկանի անբարեկարգ և անպահով մի դպրոց եկեղեցու կողքին, որը բաղկացած է հինգ սենեակներից. այս տարի փակ էր:

Այս գիւղը 1918 թւին ենթարկւում է անասելի հարստահարութիւնների հէնց գիւղատիրոջ որդու՝ Աղա-Մահմատի կողմից. նա աշնան 135 զինւած ձիաւորով մտնում է գիւղ և ութ օր ապրում գիւղացիների հաշւին: Այդ ութ օրւայ ընթացքում գիւղացիները ծախսում են 80 բեռ ալիւր, 80 բեռ գարի և 32 հատ էլ ոչխար, բայց բռնակալ կեղեքիչը միայն դրանով չի բաւարարւում, հեռանալիս առնում է 800 թուման փող, մի ձի ու հինգ հատ էլ հրացան: Այնուհետև մի ուրիշ բռնակալ՝ Ջաֆեր-Ղուլի Ձէյղամը ձմեռն ուղարկում է գիւղ չորս ձի, որպէսզի գիւղացիները մինչև գարուն պահեն նրանց իրենց հաշւին:

Իրերի այս տխուր դրութեան վրայ աւելացնենք երաշտի պատճառով գիւղում տիրող այս տարւայ սովը, որին զոհ են գնացել 10 հոգի: Գիւղում հանդիպեցի շատ գիւղացիների, որոնք հացի պակասութեան պատճառով խոտ էին ուտում:

№	Կ Ա Ր Ք Ե Ր	Շուկչ
1	Աղբատ	120
2	Չունկոր	210
3	Միջակ	200
4	Ունկոր	80
5	Հարուստ	47
	Ընդամենը	657

* Աւետարանը՝ որ երկար տարիներ պահւում էր մասնաւոր անեքում, իբրև շահա-գործութեան նիւթ է ծառայել մի քանի խարբայ և ընչաքաղց գիւղացիների համար